

**JAVNA USTANOVA
ZAVOD ZA MEDICINU RADA I SPORTSKU MEDICINU
ZENIČKO-DOBOJSKOG KANTONA
ZENICA**

Na osnovu člana 20 a. Zakona o radu („Službene novine Federacije BiH“ broj: 26/16, 89/18), člana 7 a. Pravilnika o radu JU Zavod za medicinu rada i sportsku medicinu Zeničko – dobojskog kantona broj: 3229/2017, 4406/2017, 7731/17, 1290/18, 2220/2018, 4650/2018, 8340/18, 10028/2018 od 23.06.2017. 11.8.2017, 11.12.2017, 16.02.2018, 21.3.2018, 24.5.2018, 31.10.2018, 26.12.2018. godine, a u skladu sa Procedurom o postupku prijema u radni odnos u JU Zavod za medicinu rada i sportsku medicinu Zeničko-dobojskog kantona i Odluke direktora za popunu upražnjenih radnih mjesta broj: broj: 5910/19 od 08.08.2019., direktor Kantonalnog zavoda za medicinu rada i sportsku medicinu raspisuje

**JAVNI OGLAS
za prijem radnika u radni odnos**

Radna mjesta:

01. Doktor specijalista medicine rada/doktor specijalista medicine rada i sporta

- 1 (jedan) izvršilac na neodređeno vrijeme, uz probni rad od 3 (tri) mjeseca
- 1 (jedan) izvršilac na određeno vrijeme – na period od 3 (tri) godine
- pripadajuća osnovna neto plaća: 2094,00 KM

02. Doktor specijalista neuropsihijatrije

- 1 (jedan) izvršilac na određeno vrijeme – na period od 1 (jedne) godine
- pripadajuća osnovna neto plaća: 2094,00 KM

03. Doktor specijalista medicinske mikrobiologije

- 1 (jedan) izvršilac na određeno vrijeme – na period od 3 (tri) godine
- pripadajuća osnovna neto plaća: 2094,00 KM

04. Specijalista medicinske biohemije

- 1 (jedan) izvršilac, na određeno vrijeme – na period od 3 (tri) godine
- pripadajuća osnovna neto plaća: 1784,00 KM

01. Opis poslova: obavlja prethodne pregleda radnika prije uposlenja, obavlja periodične preglede radnika na poslovima i radnim zadacima s posebnim uvjetima rada, obavlja sistematske preglede radnika s obzirom na dob, spol, radno mjesto i vrstu oboljenja, sudjeluje u timskom pregledu vozača i osoba koje se uključuju u promet, obavlja zdravstvene preglede u svrhu profesionalne orijentacije radnika, obavlja zdravstvene preglede pri upisu u srednje škole i na fakultet, sudjeluje pri obavljanju funkcionalne dijagnostike (Astanov test, spirometrija, dinamometrija), antropometrije, sumiranju audiograma, oscilometrije, ortoreterskih i drugih nalaza, testova za vibracije i vibratornu bolest i vrši interpretaciju vlastitih rezultata kao i ocjenu rezultata ostalih specijalista s obzirom na uvjete rada i radni proces radnika, određuje laboratorijske, radiološke i druge

dijagnostičke postupke, u cilju postavljanja dijagnoza, upućuje oboljelog na liječenje i rehabilitaciju u polikliničko – konzilijarne i stacionarne ustanove, te kontinuirano skrbi o zdravstvenom stanju radnika, ocjenjuje radnu sposobnost i daje mišljenja u skladu s uvjetima rada i upućuje na konačnu ocjenu liječničke, invalidske odnosno druge komisije, te brine o odgovarajućim poslovima i radnim zadacima kod radnika s narušenim zdravstvenim stanjem, daje stručna mišljenja na službene zahtjeve kod određenih slučajeva bolesti, povreda i profesionalnih oboljenja, daje stručne savjete pacijentima, u vezi sa provođenjem primarne, sekundarne i tercijalne prevencije, procjenjuje zdravstveno stanje radnika u odnosu na rad, posebno radnika na poslovima sa posebnim uvjetima rada te osjetljiva skupina radnika, daje izvještaj i mišljenje zdravstvenog stanja radnika određene radne organizacije poslije izvršenog sistematskog – periodičnog pregleda sa preporukama za prevenciju i mjere zaštite uz dodatne dijagnostičke procedure, vrši raspored osoba sa invaliditetom sa IK, sa obilaskom radnog mjesta, obavlja preglede sportista – prethodne sistematske, kontrolne, amatera, profesionalaca i invalida, učestvuje u radu komisije za kontrolu bolovanja uslijed privremene spriječenosti za rad osiguranika preko 42 dana, obavlja i druge poslove predviđene pravilnikom i po nalogu neposrednog rukovodioca, a u domenu svoje stručne spreme.

02. Opis poslova: Izrađuje plan i program rada zdravstvene zaštite iz područja neuropsihijatrijske (neurološke i psihijatrijske) zdravstvene zaštite, vodi propisanu zdravstvenu dokumentaciju, evidencije i izvještaje, određuje laboratorijske, radiološke i druge dijagnostičke procedure u cilju postavljanja dijagnoze, obavlja preventivne preglede (prethodni pregledi kod zaposlenja, pregledi kandidata za vozače i vozača, sistematski i periodični pregledi radnika), vrši pregled, obradu i liječenje bolesnika u specijalističkoj ambulanti i kabineta u okviru svoje specijalnosti, daje mišljenje kod pacijenata kod kojih se sumnja na ovisnost o upotrebi alkohola ili narkotika, vrši kontrolne preglede, obavlja konzultativne preglede na zahtjev medicine rada, daje stručno mišljenje na službeni zahtjev, ocjenjivanje radne sposobnost u skladu sa uvjetima rada i upućivanje na konačnu ocjenu ljekarske, invalidske i druge komisije, piše prijedloge za produženje liječenja, prvi kontrolni pregled neuroloških i psihijatrijskih pacijenata čija su liječenja i dijagnostika ugovorom dogovoreni kao i ostatak pacijenata (trećih lica), pružanje hitne medicinske pomoći naglo oboljelim u konzilijarnim ambulantama i stacionaru, praćenje uspješnosti dijagnostičkih i terapijskih postupaka i valorizacije uspješnosti rada, davanje stručnog savjeta pacijentima u vezi provođenja primarne, sekundarne i tercijarne prevencije, učestvuje u radu Komisije za kontrolu bolovanja uslijed privremene spriječenosti za rad preko 42 dana, obavljanje i svih drugih poslova propisanih pravilnikom, po nalogu neposrednog rukovodioca, a u domenu svoje stručne spreme.

03. Opis poslova: Organizovanje rada i obezbijedenje uslova za normalno odvijanje procesa rada, nadzor nad stručnim radom radnika u mikrobiološkoj laboratoriji i odgovornost za njihov stručni rad, koordinaciji rada laboratorije sa radom ostalih službi, izolacija i identifikacija mikroorganizama, kulturno makroskopsko, mikroskopsko, biohemijsko serološko ispitivanje mikroorganizama, ispitivanje osjetljivosti mikroorganizama na antibiotike i hemioterapeutike, praćenje razvoja rezistencije

mikroorganizama na antibiotike, izdavanje nalaza i davanje stručnog mišljenja o nalazima, očitavanje seroloških pretraga, dijagnostiku parazitarnih oboljenja, obavljanje i drugih poslova po nalogu neposrednog rukovodioca, a u domenu svoje stručne spremlje.

04. Opis poslova: Sudjelovanje u izradi planova i programa zdravstvene zaštite, vođenje propisane zdravstvene dokumentacije, evidencije i izvještaja, saradnja sa zdravstvenim radnicima, izrada svih traženih pretraga, kontrola uzimanja uzoraka, obrade dobivenih rezultata, uvođenje novih metoda, ispitivanje preciznosti i reproducibilnosti, ispisivanje popisa za novo uvedene pretrage, pripremanje reagenasa i standardnih otopina, učestvovanje u nabavki potrebnih hemikalija, testova i ostalog laboratorijskog pribora potrebnog za rad, održavanje mjernih instrumenata, sudjelovanje u redovnoj i kontinuiranoj ličnoj edukaciji i edukaciji zdravstvenih radnika i radnika drugih profila kao i članova svog tima, obavljanje i drugih poslova po nalogu neposrednog rukovodioca, a u domenu svoje stručne spremlje.

Uslovi za vršenje poslova

Pored opštih uslova utvrđenih Zakonom o radu FBiH, kandidati treba da ispunjavaju i posebne uslove utvrđene Pravilnikom o unutrašnjoj organizaciji i sistematizaciji, kako slijedi:

- **Za radna mjesta broj 1:** VSS-VII./1 ili 360 ECTS bodova (medicinski fakultet), specijalizacija iz medicine rada ili iz medicine rada i sporta, važeća licenca za rad i poznavanje rada na računaru.
- **Za radno mjesto broj 2:** VSS-VII./1 ili 360 ECTS bodova (medicinski fakultet), specijalizacija iz neuropsihijatrije, važeća licenca za rad i poznavanje rada na računaru.
- **Za radno mjesto broj 3:** VSS-VII./1 ili 360 ECTS bodova (medicinski fakultet), specijalizacija iz medicinske mikrobiologije, važeća licenca za rad i poznavanje rada na računaru.
- **Za radno mjesto broj 4:** VSS-VII ili 360/300 ECTS bodova (medicinski fakultet ili farmaceutski fakultet), specijalizacija iz medicinske bihoemije, važeća licenca za rad i poznavanje rada na računaru.

Dokazi

U svrhu dokazivanja ispunjavanja općih i posebnih uslova, kandidati su dužni uz prijavu na javni oglas, podnijeti kraću biografiju sa navedenom adresom, e-mail adresom i brojem telefona, kao i sljedeću dokumentaciju i akte, kao dokaze (originale ili kopije s ovjerom ne starijom od tri mjeseca):

- Dokaz o stručnoj spremi (diploma o završenom fakultetu)
- Uvjerenje o položenom specijalističkom ispitu
- Uvjerenje o položenom stručnom ispitu
- Licenca za samostalan rad izdata od nadležne komore
- Uvjerenje o državljanstvu
- Izvod iz matične knjige rođenih

Oblasti i literatura iz koje će biti pismeni i usmeni dio ispita

Radna mjesta pod 01. Dragomir Stanković, *Medicina rada*, Beograd-Zagreb 1984.; Marko Šarić/Eugenija Žuškin, *Medicina rada i okoliša*, Medicinska naklada, Zagreb 2002.; Mirjana Anđelović/Jovica Jovanović, *Medicina rada*, Medicinski fakultet Univerziteta u Nišu, Niš 2009.

Radno mjesto pod 02. Borivoje Radojičić, *Klinička neurologija*, Elit Medica, Beograd 2011. ili 2018.; Abdulah Kučuković i saradnici, *Psihijatrija*, Medicinski fakultet Univerziteta u Sarajevu, Sarajevo 2011.

Radno mjesto pod 03. Bogdan Karakašević (ur.), *Mikrobiologija i parazitologija: udžbenik i priručnik za medicinare*, Beograd; Zagreb: Medicinska knjiga, 1969.; Šukrija Zvizdić, *Virusologija*, Univerzitet u Sarajevu Medicinski fakultet, Sarajevo 2009.; Branko Richter, *Medicinska parazitologija*, Zagreb: SNL, 1987.; Selma Uzunović – Kamberović, *Medicinska mikrobiologija*, Zenica 2009.

Radno mjesto pod 04. Božidar Štraus, *Medicinska biokemija*, Medicinska naklada, Zagreb 1992.; Radivoje Berović/Stanoje Stefanović, *Klinička hematologija*, Medicinska knjiga, Beograd-Zagreb 1968.; Jasmina Berbić-Fazlagić i saradnici, *Laboratorijske tehnologije i metode u hematologiji*, Grafičar promet doo, Sarajevo 2013.; Pravilnik o postupku i kriterijima za utvrđivanje privremene spriječenosti za rad osiguranika („Službene novine Federacije BiH“ broj: 3/17)

Napomena:

- Dokaz o poznavanju rada na računaru (uvjerenje škola ili drugih institucija koje se bave obučavanjem znanja rada na računaru), uvjerenje fakulteta o provjeri znanja rada na računaru, položenom ispitu informatike, ili drugu ispravu fakulteta (ovjerena kopija upisnice – indeksa, dodatak diplomi), koja potvrđuje poznavanje ili znanje rada na računaru, diplomu ili drugu ispravu koja potvrđuje stečeno zvanje ili zanimanje koje je neposredno vezano za rad na računaru).
- Sa kandidatima koji dostave potpunu dokumentaciju obaviti će se pismeni i usmeni stručni ispit, nakon kojeg će biti donesena odluka o prijemu u radni odnos. O datumu, vremenu i mjestu pristupanja polaganja pismenog i usmenog stručnog ispita, kandidati će biti obaviješteni putem pismene obavijesti koja će biti dostavljena na adresu kandidata kao i na e – mail adresu ukoliko je ista navedena u prijavi, i to najmanje 5 (pet) dana prije održavanja ispita.
- Ako kandidat ne pristupi polaganju pismenog i usmenog stručnog dijela ispita, smatrat će se da je odustao od dalje oglasne procedure.
- Kriterij na osnovu kojih će se vršiti bodovanje kandidata jesu: postignuti uspjeh na pismenom i usmenom stručnom ispitu, eventualne preporuke ranijih poslodavaca i dosadašnje radno iskustvo.
- O rezultatima oglasa, kandidati će biti pismeno obaviješteni.

- Kandidati sa kojima bude zaključen radni odnos, obavezni su u roku od 15 (petnaest) dana od dana zaprimanja obavještenja o izboru kao najboljeg kandidata dostaviti ljeakarsko uvjerenje ne starije od 6 (šest) mjeseci, prije stupanja na rad.
- Kantonalni zavod za medicinu rada i sportsku medicinu nije u obavezi vraćanja dostavljene dokumentacije.

Svu traženu dokumentaciju, uz prijavu potpisanu od strane podnosioca i kratku biografiju, treba dostaviti **najkasnije u roku od 8 (osam) dana od dana njegove objave u listu „Naša riječ“**, u zatvorenoj koverti putem poštanske službe preporučeno na adresu:

Javna ustanova

Zavod za medicinu rada i sportsku medicinu Zeničko – dobojskog kantona

Bulevar Kralja Tvrtka I broj 4, 72 000 Zenica

Uz naznaku: „NE OTVARAJ – PRIJAVA NA JAVNI OGLAS (sa naznakom za koje radno mjesto)“

Kontakt osoba za davanje dodatnih obavještenja u vezi sa ovim javnim oglasom: Hana Ahmetspahić, broj tel: 032/449-471